
Na osnovu člana 15. Zakona o udruženjima i fondacijama („Sl. novine FBiH“, br. 45/02) i člana 45. Statuta Udruženja poslodavaca FBiH, broj: I-015/14, **Grupacija poslodavaca Unsko-sanskog kantona pri Udruženju poslodavaca u FBiH**, na konstituirajućoj sjednici održanoj dana 10.06.2014. godine u Bijaću donosi:

P R A V I L N I K
O ORGANIZACIJI I RADU
GRUPACIJE POSLODAVACA UNSKO-SANSKOG KANTONA PRI UDRUŽENJU POSLODAVACA
U FBiH

I OPĆE ODREDBE

Član 1.

Ovim Pravilnikom utvrđuje se svrha i djelatnost, naziv i sjedište, članstvo, organizacija, organi, način izbora tijela i odlučivanje, finansiranje, prestanak rada i druga pitanja značajna za rad Grupacije poslodavaca Unsko-sanskog kantona.

Član 2.

Grupacija poslodavaca Unsko-sanskog kantona (u daljem tekstu: Grupacija) je organizacioni dio Udruženja poslodavaca u FBiH (u daljem tekstu: Udruženje).

Grupacija je shodno Statutu Udruženja poslodavaca u FBiH oblik dobrovoljnog udruživanja članova Udruženja čija je osnovna djelatnost zaštita interesa članstva iz Unsko-sanskog kantona.

Grupacija sve svoje djelatnosti obavlja u okviru Udruženja.

Član 3.

Ciljevi Udruženja su istovremeno i ciljevi Grupacije, s tim što Grupacija svoju aktivnost naročito usmjerava na:

- zaštitu prava i interesa članica Unsko-sanskog kantona;
- praćenje i izučavanje privrednih tokova u kantonu;
- unaprijeđenje zajedničkog tržišnog i poslovnog nastupanja;
- razvoj i promoviranje poslovnih odnosa uz izražavanje posebnosti interesa privatnog vlasništva;
- razvoj i promoviranje poštivanja primjene etičkih načela;
- promoviranje saradnje s drugim kantonalnim i granskim organizacijama;
- zastupanje interesa članova pri Vladi, ministarstvima i drugim tijelima kantonalne

tijelima, u postupke donošenja zakonskih i podzakonskih akata u vezi s djelatnošću, te drugih djelatnosti od interesa za svoje članove;

- kolektivno pregovaranje, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima;
- i na druge ciljeve od značaja za rad članica.

Član 4.

Grupacija može u suradnji s nadležnim kantonalnim organima i organima Udruženja, pokretati inicijative i predlagati mjere ekonomske politike koje se tiču poslovanja njenih članica.

Član 5.

Naziv Grupacije glasi: Grupacija poslodavaca Unsko-sanskog kantona pri Udruženju poslodavaca u Federaciji Bosne i Hercegovine.

Sjedište Grupacije je u Bihaću.

II ČLANSTVO U GRUPACIJI

Članovi Grupacije su pojedinačni i kolektivni članovi Udruženja iz Unsko-sanskog kantona.

Članstvo u Grupaciji je dobrovoljno.

Član 6.

Članovi iz prethodnog člana organiziraju se u Grupaciju da bi preko svojih organizacionih oblika mogli uspješno raditi i uticati na unaprijeđenje rada i poslovanja u svojoj osnovnoj djelatnosti, na usklađivanju svojih posebnih i pojedinačnih interesa sa zajedničkim interesima ostalih članova Udruženja i sa općim interesim privrede na jedinstvenom tržišnom i privrednom prostoru u BiH.

Član 7.

Prijem, prestanak i isključenje iz članstva u Grupaciji vrši se putem stručne službe Udruženja i u skladu sa Statutom Udruženja.

Prava i dužnosti članova Grupacije

Član 8.

Članovi Grupacije imaju ista prava u pogledu obaveza i odgovornosti.

Prava, obaveze i odgovornosti članova Grupacije su:

- upravljaju aktivnostima, poslovima i unapređuju organizaciju rada Grupacije;
- poduzimaju aktivnosti na promicanju i zaštiti interesa članova Grupacije;
- pokreću inicijative i utvrđuju prijedloge za donošenje mjera iz oblasti razvojne i ekonomske politike, kao i privrednog i društvenog sistema;
- razmjenjuju informacije od interesa za uspješno obavljanje djelatnosti;
- ostvaruju suradnju sa nadležnim kantonalnim tijelima, organizacijama i drugim institucijama Unsko-sanskog kantona radi zaštite interesa članova;
- aktivno sudjeluju u radu Udruženja /Grupacije;
- pridržavaju se Statutom utvrđenih prava i obaveza članova;
- moralno i na drugi način podupiru djelatnosti i ugled Udruženja;
- poštivaju dogovorene profesionalne standarde i Kodeks profesionalne etike Udruženja.

Članarina

Član 9.

Članovi Grupacije uplatom članarine potvrđuju svoje članstvo u Grupaciji.
Članovi Grupacije uplaćuju članarinu Udruženju Poslodavaca u FBiH.

Visinu godišnje članarine, kriterije za obračun te način plaćanja članarine utvrđuje Skupština Udruženja, donošenjem posebne odluke o visini članarine.

Član 10.

Odlukom Upravnog odbora Grupacije može se uz članarinu iz člana 9. odrediti i obaveza plaćanja posebne članarine ili priloga u cilju finansiranja posebnih djelatnosti ili aktivnosti Grupacije.

III ORGANIZACIJA I RAD GRUPACIJE

Član 11.

Rad Grupacije je javan.

Organi Grupacije kroz infrastrukturu Udruženja poslodavaca FBiH (mediji, časopisi, publikacije Udruženja i dr.) izvještavaju članove i javnost o ciljevima i aktivnostima Grupacije. Po potrebi to čine i samostalno kroz dostavljanje dokumenata, zapisnika i slično.

Član 12.

Grupacija ne može svojim aktivnostima nanositi štetu ostalim udruženjima, grupacijama i njihovim članovima i dovoditi u neravno pravan položaj druge djelatnosti, odnosno grane privrede.

Član 13.

O poslovima i pitanjima iz svoje nadležnosti Grupacija donosi prijedloge i zaključke samostalno, pridržavajući se smjernica i stavova Skupštine i tijela Grupacije, nadležnih organa i tijela Udruženja i u skladu sa ustaljenim običajima poslovnog morala.

Član 14.

Grupacija može, u okviru svoje djelatnosti neposredno upućivati prijedloge nadležnim tijelima Udruženja radi rješavanja određenih pitanja i poduzimanja odgovarajućih mjera od interesa za Grupaciju ili pojedine članove kada nisu u suprotnosti sa općim interesima članova ove Grupacije ili Udruženja u cjelini.

Član 15.

Stručna pitanja, problemi i aktivnosti iz nadležnosti Grupacije, zavisno od njihove prirode razmatraju se i rješavaju u okviru Upravnog odbora Grupacije i njenih drugih radnih tijela (komisija).

Organi Grupacije i način odlučivanja i upravljanja

Član 16.

Članovi Grupacije upravljaju organizacijom kroz slijedeća tijela:

- **Skupšina Grupacije**
- **Upravni odbor Grupacije**
- **Komisije**

Skupština

Član 17.

Skupština Grupacije je najviše tijelo upravljanja radom i poslovanjem Grupacije. Skupština Grupacije:

- donosi Pravilnik o organizaciji i radu Grupacije, njegove izmjene i dopune, te druge opće akte određene ovim Pravilnikom;
- imenuje predsjednika Skupštine Grupacije;
- imenuje članove Upravnog odbora Grupacije;
- utvrđuje opću politiku rada i djelovanja, te donosi temeljne odrednice za program rada;

- razmatra i zauzima stajalište o izvještajima tijela Grupacije u skladu s odredbama ovoga Pravilnika;
- odlučuje o prestanku rada Grupacije;
- donosi Poslovnik o svom radu;
- bira članove Grupacije za predstavnike u Skupštini, Upravnom odboru Udruženja poslodavaca u FBiH, te ESV-u u skladu sa Statutom Udruženja.

Po potrebi Skupština može osnivati i imenovati odgovarajuća tijela, kad je to potrebno radi rješavanja pojedinih pitanja, u skladu s odredbama ovoga Pravilnika.

Član 18.

Skupštinu Grupacije sačinjavaju svi članovi Grupacije.

Predsjednika Skupštine Grupacije bira Skupština na period o 4 (četiri) godine, s tim da mogu biti izabrani najviše dva puta uzastopno.

Član 19.

Redovne sjednice Skupštine Grupacije održavaju se najmanje jednom godišnje.

U slučaju potrebe može se sazvati vanredna sjednica Skupštine. Vanredna sjednica Skupštine može se sazvati radi rješavanja posebno značajnih pitanja za rad Grupacije.

Sjednice Skupštine Grupacije održavaju se u Sarajevu, osim ako sama Skupština na ranijoj sjednici ne odredi da se sjednica održi u kojem drugom mjestu.

Član 20.

Sjednicu Skupštine Grupacije saziva i predsjedava joj predsjednik Skupštine Grupacije, a u slučaju njegove spriječenosti potpredsjednik Upravnog odbora Grupacije.

Poziv za sjednicu Skupštine Grupacije upućuje se članovima Skupštine najkasnije deset (10) dana prije dana održavanja sjednice.

Poziv za vanrednu sjednicu upućuje se članovima Skupštine najkasnije pet dana prije dana održavanja sjednice.

U pozivu za sjednicu treba naznačiti prijedlog dnevnog reda sjednice, mjesto njena održavanja i vrijeme početka rada.

Uz poziv za sjednicu Skupštine članovima se dostavljaju svi materijali pripremljeni za Skupštinu.

Član 21.

Svaki član Skupštine Grupacije ima pravo glasa.
Svaki član Skupštine Grupacije ima jedan glas.

Odsutnog člana Skupštine Grupacije može u glasanju zamijeniti drugi član Skupštine Grupacije, uz pisanu punomoć za glasanje.

Glasanje na Skupštini je javno.

Član 22.

Skupština Grupacije donosi odluke o prestanku rada Grupacije, te donošenju novog ili promjeni postojećeg Pravilnika dvotrećinskom (2/3) većinom glasova prisutnih članova Skupštine grupacije, a sve ostale Odluke donose se običnom većinom glasova prisutnih članova Skupštine Grupacije.

Član 23.

Na sjednici Skupštine Grupacije vodi se zapisnik, u koji se moraju zabilježiti doneseni zaključci, odluke i rezultati izbora.

Zapisnik sa sjednice Skupštine Grupacije potpisuje predsjednik Grupacije, dva ovjervitelja i zapisničar.

Zapisnik sa sjednice Skupštine Grupacije zajedno sa zaključcima i odlukama dostavlja se svim članovima Grupacije i stručnoj službi Udruženja.

Upravni odbor

Član 24.

Upravni odbor je tijelo upravljanja svakodnevnim radom i poslovanjem Grupacije.

Upravni odbor Grupacije ima slijedeće nadležnosti i ovlaštenja da:

- priprema i predlaže pravilnike i pravila iz nadležnosti Grupacije;
- utvrđuje prijedloge za imenovanje predsjednika, potpredsjednika i članove Upravnog Odbora Grupacije;
- priprema i predlaže plan rada Grupacije;
- priprema i predlaže Izvještaj o radu;
- priprema i predlaže nacрте dokumenata koja usvaja Upravni odbor Udruženja;
- predlaže predstavnike Grupacije u Upravni odbor, radna i druga tijela Udruženja poslodavaca, mješovite državne delegacije i komisije, projektne i ekspertne grupe;
- raspravlja i donosi zaključke i preporuke o temama koje su od interesa za članove Grupacije;
- imenuje, savjetuje i nadzire osobe ovlaštene za kolektivno pregovaranje i sklapanje kolektivnog ugovora, te verificira rezultate pregovora;
- prenesi ovlasti za sklapanje kolektivnog ugovora na Udruženje poslodavaca u FBiH;

- rješava i druga pitanja koja nisu stavljena u nadležnost drugom tijelu Grupacije.

Član 25.

Upravni odbor Grupacije čini ukupno 9. članova.

Predsjednika i potpredsjednika Upravnog odbora Grupacije bira Upravni odbor iz svog sastava.

Mandat članova Upravnog odbora traje 4 (četiri) godine.

Prilikom predlaganja i izbora članova Upravnog odbora, mora se voditi računa o reprezentativnosti i zastupljenosti članova po regionalnoj, nacionalnoj i spolnoj zastupljenosti.

Član 26.

Predsjednik Upravnog Odbora Grupacije može u svako doba sazvati Upravni odbor.

Upravni odbor sastaje se na poziv predsjednika Upravnog odbora, u pravilu jednom u tri mjeseca.

U pozivu za sjednice mora biti naznačeno mjesto i vrijeme održavanja, te dnevni red sjednice.

Upravni odbor može punovažno odlučivati ako sjednici prisustvuje natpolovična većina članova.

Odluke se donose većinom glasova svih prisutnih članova, ako ovim Pravilnikom nije drugačije određeno.

Iznimno, predsjednik, zbog hitnosti donošenja odluka iz nadležnosti Upravnog odbora, sjednicu može sazvati i održati telefonskim putem ili elektronskom poštom, o čemu se sastavlja zapisnik.

Na sjednicama UO vodi se zapisnik. Zapisnik i Odluke Grupacije se dostavljaju Udruženju poslodavaca u FBiH.

Upravni odbor može donijeti Poslovnik o svome radu.

Komisije

Član 27.

Radi zaštite specifičnih interesa članovi Grupacije mogu osnovati Komisije.

Komisije se bave pitanjima od zajedničkog interesa za obavljanje, unaprjeđivanje i promoviranje neke djelatnosti unutar Grupacije, te se osnivaju radi lakšeg rješavanja određene problematike i razmjene iskustava s određenog područja.

Komisije dostavljaju prijedloge, zaključke i mišljenja drugim tijelima Grupacije, a mogu nastupati i prema vani putem za to ovlaštenih osoba Grupacije ili Udruženja.

IV FINANSIRANJE

Član 28.

Finansijska sredstva potrebna za rad Grupacije i njenih tijela osiguravaju se iz članarine članica Grupacije koju plaćaju Udruženju.

Skupština Udruženje u okviru godišnjeg Izvještaja o uplati članarine članica Grupacije donosi Odluku o visini uplate sredstava za rad Grupacije.

Stručne, administrativne, pomoćne i druge poslove Grupacije obavlja stručna služba Grupacije.

V ZASTUPANJE

Član 29.

Predsjednik Upravnog odbora Grupacije zastupa i predstavlja Grupaciju.

Grupacija ima pečat Udruženja koji je istog oblika i sa istim tekstom koji se nalazi na pečatu Udruženja poslodavaca FBiH, sa naznakom rednog broja Grupacije.

VI PRIJELAZNE I ZAVRŠNE ODREDBE

Član 30.

Ovaj pravilnik mora biti u skladu sa Statutom Udruženja poslodavaca u FBiH. Ukoliko nešto nije regulisano Pravilnikom primjenjuje se Statut Udruženja poslodavaca u FBiH.

Član 31.

Ovaj pravilnik stupa na snagu danom usvajanja.

Član 32.

Izmjene i dopune ovog pravilnika vrše se na način utvrđen za njegovo donošenje.

Bihać, 10.06.2014. godine
Broj: I-055-1/14



Predsjedavajući Skupštine Grupacije
Refik Bašagić, s.r.